

Forslag til ny § 10 «Sakshandsaming» i reglement for heradsstyret 5. ledd.

Opphavleg tekst i reglement:

1/3 av medlemmene kan krevja skriftleg at ei sak vert ført opp på saklista, jfr. kommunelova §11–3, første ledd, siste setning. Slike krav må sendast ordføraren seinast 10 dagar før eit heradsstyremøte for at saka skal verta ført opp på saklista i det møtet.

Forslag til ny tekst i reglement:

Minst 1/3 av medlemmene kan krevja skriftleg at ei sak vert ført opp på saklista, jfr. kommunelova §11–3, første ledd, siste setning. Slike krav må sendast ordføraren seinast 10 dagar før eit heradsstyremøte for at saka skal verta ført opp på saklista i det møtet. Framgangsmåten for handsaming av slike saker er skildra i § 10–1.

Reglement for heradsstyret, ny paragraf § 10–1 «Saker lyft av mindretalet»

Kravet frå (minst) 1/3 av medlemmane må leverast signert til ordførar og innehalde:

- (1) Opplysingar eller bakgrunnsinformasjon om kva saka gjeld,
- (2) Ei grunngjeving for kvifor medlemmene krev at ho skal inn på saklista, og
- (3) Eit framlegg til vedtak i saka.

Dokumentet skal følgje med som vedlegg til saka i innkallinga til heradsstyret.

Kommunedirektøren kan la ein uttale følgje saka, til dømes med bakgrunn, om økonomi eller klima, estimert omfang av saksutgreiing, tidlegare saksdokument, kva moglege konsekvensar framlegget til vedtak kan ha eller korleis det kan påverka på kommunen.

Når saka er opna for handsaming skal handsaminga gå seg føre på følgjande måte:

- (1) Eitt av medlemmene som har levert kravet får høve til å presentere saka og argumentere for kvifor heradsstyret skal handsama ho vidare,
- (2) Ordførar, eller ein representant vald av ordførar, får høve til innlegg med uttale om saka,
- (3) Medlemmet i punkt (1) får høve til å gje svar på innlegget i punkt (2),
- (4) Kommunedirektøren kan gje uttale om saka,
- (5) Heradsstyret røystar over om saka skal handsamast eller avvisast med simpelt fleirtalsvotum.
Om fleirtalet avviser saka er sakshandsaminga avslutta.
- (6) Om heradsstyret vel å handsama saka skal det no votere over om ho skal sendast til kommunedirektøren til utgreiing for ordinær sakshandsaming i seinare møte, eller om ho skal handsamast i møtet. Simpelt fleirtal avgjer vidare saksgang.
Om fleirtalet sender saka til kommunedirektøren for utgreiing er sakshandsaminga avslutta.
- (7) Om organet vel å handsama saka i møtet gjeld ordinært sakshandsamingsreglement.